

Uunga siunnersuut: Pinerlunnikkut aningaasarsianik malunnarunnaarsaanermut, qunusiarinninnikkullu anguniagaqarnermut pitsaaliuinermut suliniutitut inatsisini assigiinnngitsuni inatsisit aalajangersagaannik allannguinermut, Kalaallit Nunaanni atuutilersitsinermut peqqussummut (pinerlunnikkut aningaasarsianik malunnarunnaarsaanermut inatsit) Namminersorlutik Oqartussat ilanngunnissaat pillugu Inatsisartunut aalajangiiffigisassatut siunnersuut

(Aningaasaqarnermut Akileraartarnermullu Naalakkersuisoq)

Saqqummiussissut

Siullermeerinninneq

Matumuuna Naalakkersuisut sinnerlugit Pinerlunnikkut aningaasarsianik malunnarunnaarsaanermut, qunusiarinninnikkullu anguniagaqarnermut pitsaaliuinermut suliniutitut inatsisini assigiinnngitsuni inatsisit aalajangersagaannik allannguinermut, Kalaallit Nunaanni atuutilersitsinermut peqqussummut (pinerlunnikkut aningaasarsianik malunnarunnaarsaanermut inatsit) Namminersorlutik Oqartussat ilanngunnissaat pillugu Inatsisartunut aalajangiiffigisassatut siunnersuut saqqummiuppara.

Peqqussut manna allannguutit annikinnerusunik pingasunik imaqarpoq. Siullertut Erhvervsstyrelsen siunissami akileraarusiisarnermik siunnersortit avataanillu naatsorsuuserisunik kiisalu kukkunersiuisut pillugit inatsit naapertorlugu akuerineqanngitsunik nakkutilliisarnissaa siunnersuutigineqarpoq. Aappaatut inuit suliffeqarfiillu siuliani taaneqartut Erhvervsstyrelsen nakkutilliinerani atugassatut paasissutissanik tunniussisarnissamut pisussaatinneqarput. Naggataagullu suliffeqarfiit pinerlunnikkut aningaasarsianik malunnarunnaarsaanermut inatsimmi isertuussanik kalleriisartut pillugit (whistleblower) aaqquissuussinermik piumasaqaammut ilaatinneqalerput.

Inuit suliffeqarfiillu ikittut Kalaallit Nunaanni peqqussummut ilaatinneqartut, Naalakkersuisut naliliipput. Inatsit ulluinnarni pingaarnertut avataani naatsorsuuserisunut kukkunersiuisunullu, kukkunersiuisut pillugit inatsit naapertorlugu akuerisaanngitsunut attuumassaaq.

Suliffeqarfiit inuillu, ilinniagaasinnaasut akuersissutaasinnaasullu il.il. apeqquataatinnaqit sullissinernik assigiinnik neqerooruteqartut assigiinnik atugassaqartinneqarnissaasa qulakkeerneqarnissaa siunertaralugu peqqussut saqqummiunneqarpoq. Peqqussut aammattaaq nunatsinni malittarisassat nunat tamat akornanni atuutsinneqartunik malittarisassanik malinninnissaannik qulakkeerinninnissamik siunertaqarpoq.

Naalakkersuisut allannguutissatut siunnersuutigineqartut erseqqinnerusumik misissornissaannut, aalajangiiffigisassatut siunnersuut, finanstilsynip peqqussummik eqqikkaanera aamma peqqussummut siunnersuut ilanngunneqartut innersuussutigaat.

Taama oqaaseqarlunga Naalakkersuisut sinnerlugit siunnersuut Inatsisartunut kajumittumik suliarineqartussanngortippara.